

宋  
名  
家  
詞

琴趣外篇目錄

卷一

水龍吟

八聲甘州

一調

滿庭芳

鳳凰臺上憶吹簫

二調

摸魚兒

永遇樂

過澗歇

黃鶯兒

消息

梁州令疊韻

酒泉子

歸田樂

琴趣外篇目

訴衷情

金鳳鈎

二調

生查子

行香子

訴衷情

木蘭花

行香子

阮郎歸

引駕行

卷二

洞僊歌

二調

水龍吟

洞僊歌

二調

行香子

鹽角兒

清平樂

江神子

望海潮

夜合花

下水船

浣溪沙

萬年歡

感皇恩

洞仙歌

喜朝天

生查子

少年遊

二調

滿江紅

離亭宴

千秋歲

迷神引

滿江紅

卷三

古陽關

玉蝴蝶

安公子

惜分飛

二調

離亭宴

滿庭芳

三調

尾犯

尉遲杯

八六子

臨江仙

二調

驀山溪

四調

憶秦娥

好事近

阮郎歸 三調

宴桃源

一叢花 三調

卷四

臨江仙

二調

浣溪沙

憶少年

江神子

虞美人

金盞倒垂蓮 二調

西平樂

御街行

生查子

青玉案

琴趣外篇目

汲古閣

水龍吟

南歌子

醉落魄

萬年歡

臨江仙

虞美人

安公子

綠頭鴨

水龍吟

惜奴嬌

臨江仙

二調

滿庭芳

定風波

千秋歲

二調

鷓鴣天

清平樂

卷五

虞美人

浣溪沙

萬年歡

一叢花

減字木蘭花

菩薩蠻

鷓鴣天

鳳簫吟

梁州令

引駕行

菩薩蠻

點絳脣

上林春

楊柳枝

琴趣外篇目

四

汲古閣



驀山溪

二調

生查子

少年遊

青玉案

江城子

青玉案

勝勝慢

點絳脣

卷六

永遇樂

虞美人

朝天子

行香子

感皇恩

臨江仙

碧牡丹

少年遊

西江月

鷓鴣天

滿江紅

菩薩蠻

減字木蘭花

臨江仙

二調

紫玉簫

鬪百草

二調

鬪百花

三調

御街行

南歌子

清平樂

好事近

洞仙歌

琴趣外篇目錄終

琴趣外篇卷一

宋晁補之

水龍吟

別吳興至  
松江作

水晶宮繞千家卞山倒影雙溪裏白蘋洲渚詩  
成春晚當年此地行遍瑤臺弄英攜手月嬋娟  
際算多情小杜風流未覩空腸斷枝間子一  
似君恩賜與賀家湖千峰凝翠黃梁未熟紅旌  
已遠南柯舊事常恐重來夜闌相對也疑非是

向松陵回首平蕪盡處人在青山外

八聲甘州

揚州次韻和東坡錢塘作

謂東坡未老賦歸來天未遣公歸向西湖兩處  
秋波一種飛靄澄輝又擁竹西歌吹僧老木蘭  
非一笑千秋事浮世危機應倚平山欄檻是  
醉翁飲處江雨霏霏送孤鴻相接今古眼中稀  
念平生相從江海任飄蓬不遣此心違登臨事  
更何須惜吹帽淋衣

又歷下  
立春

謂東風定是海東來海上最春先乍微陽破臘  
梅心已省柳意都還雪後南山聳翠平野欲生  
煙記得相逢日如口上林邊莫歎春光易老  
算今年春老還有明年歎人生難得常好是朱  
顏有隨軒金釵十二爲醉嬌一曲踏珠筵功名  
事算如何此花下樽前

滿庭芳

赴信日舟中別  
次膺十二叔

琴趣外篇

汲古閣

鷗起蘋中魚驚荷底畫船天上來時翠灣紅渚  
宛似武陵迷更晚青山更好孤雲帶遠雨絲垂  
清歌裏金尊未掩誰使動分攜竹林高晉阮  
阿咸瀟散猶愧風期便棄官終隱釣叟苔磯縱  
是冥鴻雲外應念我垂翼低飛新詞好他年認  
取天際片帆歸

鳳凰臺上憶吹簫

自金鄉之濟至  
羊山迎次膺

千里相思況無百里何妨算往朝還又正是梅

初淡竚禽未綿蠻陌上相逢緩轡風細細雲日  
斑斑新晴好得意未妨行盡青山應攜後房  
小妓來爲我盈盈對舞花間便拚了松醪翠滿  
蜜炬紅殘誰信輕鞍射虎清世裏曾有人閒都  
休說簾外久春寒

又

才短官慵命奇人棄年年故里來還記往歲蓮  
塘送我遠赴荆蠻莫道風情似舊青鏡裏綠鬢  
琴趣外稿



新斑佳人怪把盞爲我微斂眉山  
從來嗣宗高韻獨見賞青雲  
變絕塵間謾回首平生醉語  
一夢驚殘莫笑移花種柳應備辦  
投老同閒從枯槁松檜耐得霜寒

摸魚兒

東臯寓居

買陂塘旋栽楊柳依稀淮岸江浦  
東臯嘉雨新痕漲沙觜鷺來鷗聚  
堪愛處最好是一川夜月  
光流渚無人獨舞任翠幄張天  
柔茵藉地酒盡

未能去 青綾被莫憶金閨故步儒冠曾把身  
誤弓刀千騎成何事荒了邵平瓜圃君試覩滿  
青鏡星星鬢影今如許功名浪語便似得班超  
封侯萬里歸計恐遲暮

永遇樂

松菊堂深芟荷池小長夏清暑燕引雛還鳩呼  
婦往人靜郊原趣麥天已過薄衣輕扇試起繞  
園徐步聽衡宇欣欣童稚共說夜來初雨 蒼

管徑裏紫葳枝上數點幽花垂露東里催鋤西  
隣助餉相戒清晨去斜川歸興翛然滿目回首  
帝鄉何處只愁恐輕鞭犯夜霸陵舊路

過澗歇

歸去奈故人尚作青眼相期未許明時歸去放  
懷處買得東臯數畝靜愛園林趣任過客剝啄  
相呼晝扃戶堪笑兒童事業華顛向誰語草  
堂人悄圓荷過微雨都付邯鄲一枕清風好夢

初覺砌下槐影方停午

黃鶯兒

南園佳致偏宜暑  
兩兩三三脩篁新笋出初齊  
猗猗過簷侵戶聽亂颭芰荷風細灑梧桐雨午  
餘簾影參差遠林蟬聲幽夢殘處  
凝竚既往  
盡成空暫遇何曾住算人間事豈足追思依依  
夢中情緒觀數點茗浮花一縷香縈炷怪來人  
道陶潛做得羲皇侶

消息

自過腔卽越調  
永遇樂端午

紅日葵開映牆遮牖小齋端午盃展荷金簪抽  
筍玉幽事還數綠窗纖手朱奩輕縷爭鬪綵絲  
艾虎想沈江怨魄歸來空惆悵對菰黍 朱顏  
老去清風好在未減佳辰歡聚趣蠟酒深斟  
菹細糝圍坐從兒女還同子美江村長夏閒對  
燕飛鷗舞算何須楚王雄風方消畏暑

梁州令疊韻

田野閒來慣睡起初驚曉燕樵青走挂小簾鉤  
南園昨夜細雨紅芳遍平蕪一帶烟花淺過  
盡南歸雁俱遠凭闌送目空腸斷好景難常  
占過眼韶華如箭莫教鴝鵒送韶華多情楊柳  
爲把長條絆清樽滿酌誰爲伴花下提壺勸  
何妨醉臥花底愁容不上春風面

酒泉子

萱草戎葵松菊堂深猶畏暑晚雲催雨靄簾櫳

滿樓風 池蓮翻倒小蓮紅  
香掃鑑天清似水  
一輪明月却當空  
畫欄中

歸田樂

春又去似別佳人  
幽恨積閒庭院  
翠陰滿添畫  
寂一枝梅最好  
至今憶  
正夢斷  
爐烟裊參差  
疎簾隔爲何事  
年年春恨問花應會得

訴衷情

送春

東城南陌路岐斜  
芳草遍藏遮  
黃鸝自是來晚

莫恨海棠花 驚雪絮滿天涯送春賒問春莫  
是憶著東君自去還家

金鳳鈎

送春

春辭我向何處怪草草夜來風雨一簪華髮少  
歡饒恨無計殢春且住 春回常恨尋無路試  
向我小園徐步一欄紅藥倚風含露春自未曾  
歸去

又



雪晴閒步花畔試屈指早春將半櫻桃枝上最  
先到却恨小梅芳淺忽驚拂水雙來燕暗自  
憶故人猶遠一分風雨占春愁一來又對花腸  
斷

生查子

夏日  
卽事

永日向人研百合忘幽草午枕夢初回遠柳蟬  
聲杳  
蘚井出冰泉洗滌煩襟了却挂小簾鉤  
一縷爐烟裊

行香子

前歲栽桃今歲成蹊更黃鸝久住相知微行清  
露細履斜暉對林中侶閒中我醉中誰何妨  
到老常閒常醉任功名生事俱非衰顏難強拙  
語多遲但酒同行月同坐影同歸

訴衷情

小園過午便覺涼生翠柏戎葵閒出墻紅萱草  
靜依徑綠還是去年浮瓜沉李追涼故繞池邊

竹小筵促 忽憶楊梅正熟下山南畔画舸笙  
歌逐愁凝目使君彩筆佳人錦字斷絃怎續盡  
日闌干曲

木欄花

遐觀樓

小樓新剏堪臨遠一帶寒山都入眼人間應未  
覺春歸樓上已先變柳眼 風威自與微陽戰  
雪意不知殘臘換少須文棟燕雙回來看東城  
花一片

行香子

歸鳥翩翩樓上黃昏黯天氣殘照餘痕曲闌干  
裏有個愁人向不言中千載事一年春春來  
似客春歸如雲付樓前行路雙輪傾江變酒舉  
斛爲樽斷浮生外愁千丈不關身

阮郎歸

小樓獨上暮鐘時紅霞樓外飛烟中遠鳥一雙  
歸城門燈火微橫短吹傍危梯冰輪湧海遲  
琴瑟外篇

天涯幽恨有誰知涼風時動衣

引駕行

梅梢瓊綻東君次第開桃李痛年年好風景無  
事對花垂淚園裏舊賞處幽葩柔條一一動  
芳意恨心事春來間阻憶年時把羅袂雅戲

琴趣外篇卷一

終

琴趣外篇卷二

洞僊歌

春 留

花恨月惱更夏有涼風冬軒雪皎閒事不關心  
算四時皆好從來又說春臺登覽人意多同常  
是惜春過了須痛飲莫放歡情草草年少 尚  
憶瑤階得雋尋芳驂驪東坡適見垂鞭酕醄南  
陌又逢低帽鶯花蕩眼功名滿意無限嬉游榮  
華事如夢杳傷富貴浮雲曾縈懷抱爲春醉倒

琴趣外篇

一卷二

汲古閣

願花更好春休老開口笑占醉鄉莫教人到

又

填盧全詩

當時我醉美人顏色如花堪悅今日美人去恨  
天涯離別青樓朱箔嬋娟蟾桂三五初圓傷二  
八還又缺空竚立一望不見心絕心絕 頓成  
淒涼千里音塵一夢歡娛推枕驚巫山遠洒淚  
對湘江濶美人不見愁人看花心亂含愁奏綠  
綺絃清切何處有知音此恨難說怨歌未闕恐

暮雨收行雲歇窗梅發乍似覩芳容冰潔

水龍吟

次韻林聖子惜春

問春何苦匆匆帶風伴雨如馳驟幽葩細萼小  
園低檻壅培未就吹盡繁紅占春長久不如垂  
柳算春常不老人愁春老愁只是人間有春  
恨十常八九忍輕辜芳醪經口那知自是桃花  
結子不因春瘦世上功名老來風味春歸時候  
縱樽前痛飲狂歌似舊情難依舊



洞僊歌

溫園賞  
海棠

羣芳老盡海棠花時候雨過寒輕好清晝最妖  
饒一段全是初開雲鬢小塗粉施朱未就全  
開還自好駘蕩春餘百樣宮羅鬪繁繡縱無語  
也心應恨我來遲恰柳絮將春歸後醉猶倚柔  
柯怯黃昏這一點愁須共花同瘦

又  
梅

年年青眼爲江梅腸斷一句新詩思無限向碧

瓊枝上白玉葩中春猶淺一點龍香清遠誰  
拋傾國艷昨夜前村都恐東皇未曾見正倚墻  
紅杏芳意濃時驚千片何許飄零仙館待冰雪  
聚中看奇姿乍一笑能回上林冬暖

行香子

梅

雪裏清香月下疎枝更無花比竝瓊姿一年一  
見千繞千回向未開時愁花放恐花飛芳樽  
移就幽葩折取似玉人攜手同歸揚州應記東

琴趣外篇

三

汲古閣

閣逢時恨劉郎誤題詩句怨桃蹊

鹽角兒

毫社觀梅

開時似雪謝時似雪花中奇絕香非在藥香非  
在萼骨中香微占溪風留溪月堪羞損山桃  
如血直饒更疎疎淡淡終有一般情別

清平樂

對晚菊作

黃花過也月酒何曾把寒蝶多情愛瀟酒晴日  
雙雙飛下沉吟獨倚朱闌采芳貽向邊枕上

醉排金罽幽香付與誰憐

江神子

亳社觀梅呈  
范守秦令

去年初見早梅芳一春忙短紅墻馬上不禁花  
惱只顛狂蘇晉長齋猶好事時喚我舉離觴  
今年春事更茫茫淺宮粧斷人腸一點多情天  
賜骨中香賴有飛鳬賢令尹同我過小橫塘

望海潮

揚州芍  
藥會作

人間花老天涯春去揚州別是風光紅藥萬株

佳名千種天然浩態狂香尊貴御衣黃未便教  
西洛獨占花王困倚東風漢宮誰敢鬪新粧

年年高會江陽看家誇絕艷人詫奇芳結藥當  
屏聯葩就幄紅遮綠繞華堂花面映交相更秉  
蘭觀洵幽意難忘罷酒風亭夢魂驚恐在仙鄉

夜合花

和李浩季  
良牡丹

百紫千紅占春多少共推絕世花王西都萬家  
俱好不爲姚黃謾腸斷巫陽對沉香亭北新粧

記清平調詞成進了一夢仙鄉  
天葩秀出無雙倚朝暉半如酣酒成狂  
無言自有檀心一點偷芳念往事  
情傷又新艷曾說滁陽縱歸來晚  
君王殿後別是風光

下水船

和季良  
瓊花

百紫千紅翠唯有瓊花特異便是當年唐昌觀  
中玉蕊尚記得月裏仙人來賞明日喧傳都市  
甚時又分與揚州本一朵冰姿難比曾向無

雙亭邊半酣獨倚似夢覺曉出瑤臺十里猶憶  
飛瓊標致

浣溪沙

櫻桃

雨過園亭綠暗時櫻桃紅顚壓枝低綠兼紅好  
眼中迷 荔子天教生處遠風流一種阿誰知  
最紅深處有黃鸝

萬年歡

春憶心歸似佳人未來香徑無迹雪裏江梅因

甚早知消息百卉芳心正寂夜不寐幽姿脉脉  
圖清曉先作宮粧以防人見偷得真香媚情  
動魄算當時壽陽無此標格應寄揚州何郎舊  
曾相識花似何郎鬢白恐花笑逢花羞摘那堪  
羌管驚心也隨繁杏拋擲

感皇恩

海棠

常歲海棠時偷閒須到多病尋芳懶春老偶來  
恰直半謝妖嬈猶好便呼詩酒伴同傾倒繁



枝高蔭疎枝低繞花底盃盤花影照多情一片  
恨我歸來不早斷腸鋪碎錦門前道

洞仙歌

菊

今春潤好怪重陽菊早滿檻煌煌看霜曉喚金  
錢翠雨不稱標容瀟洒意陶潛詩中能道不  
應誇絕艷曾妒春華因甚東君意不到又以鑠  
三千漢女偏教明妃怨西風邊草也何必牛山  
苦霑衣算只好龍山醉狂吹帽

喜朝天

秦宅海棠作

衆芳殘海棠正輕盈綠鬢朱顏碎錦繁繡更柔  
柯映碧纖撈勺殷誰與將紅間白采薰籠仙衣  
覆斑斕如有意濃粧淡抹斜倚闌干 妖嬈向  
晚春後慣困欹晴景愁怕朝寒縱有狂雨便離  
披損不奈幽閒素來禽總俗謾遮映終羞格疎  
頑誰采顧斜風教舞月下庭間

生查子

梅

青帝晚來風偏傍梅梢緊未放玉肌開已覺龍  
香噴 此意比佳人爭奈非朱粉惟有許飛瓊  
風味依稀近

少年遊

次季良韻

廬山瑤草四時春烟鎖上宮門記得南遊偶尋  
飛澗一洗庾公塵 香爐高詠君家事文彩近  
前人他日騎鯨尚憐迷路與問衆仙真

又

如今田野謾拋春紅雨掩衡門懶讀詩書欠伸  
扶杖几案任生塵從教便向東山老誰知是  
個中人莫怪年來倦尋城市嫌我性情真

滿江紅

次韻弔汝陽李誠之待制

華鬢春風長歌罷傷今感昨春正好瑤墀已歎  
侍臣冥寞牙帳塵昏餘劔戟翠帷月冷虛絃索  
記往歲龍坂誤曾登今飄泊賢人命從來薄  
流水意知誰託繞南枝身似未眠飛鵲射虎山

琴趣外篇

卷二

汲古閣

邊尋舊迹騎鯨海上追前約便與世江湖永相  
忘還堪樂

離亭宴

次韻弔豫  
章黃魯直

丹府黃香堪笑章臺墜鞭年少細雨春風花落  
處醉裏中人傳詔却上五湖船悲歌楚狂同調  
青草荆江波渺香爐紫霄簪小人去泣山長  
依舊幼婦空傳辭妙灑淚作招魂楓林子規啼  
曉

千秋歲

次韻弔高郵秦少游

江頭苑外常記同朝退飛騎軋鳴珂碎齊謳雲  
遶扇趙舞風回帶嚴鼓斷杯盤藉草猶相對  
灑涕誰能會醉藤陰蓋人已去詞空在兔園高  
宴悄虎觀英游改重感慨驚濤自卷珠沉海

迷神引

貶玉溪對江山作

黯黯青山紅日暮浩浩大江東注餘霞散綺回  
向烟波路使人愁長安遠在何處幾點漁燈小

迷近場一片客帆低傍前浦  
暗想平生自悔  
儒冠誤覺阮途窮歸心阻斷魂索月一千里傷  
平楚怪竹枝歌聲聲怨爲誰苦猿鳥一時啼驚  
島嶼燭暗不成眠聽津鼓

滿江紅

赴玉山之謫與諸父  
泛舟大澤分題爲別

莫話南征船頭轉三千餘里未歎此浮生飄蕩  
但傷佳會滿眼青山芳草外半篙碧水斜陽裏  
問此中何處芰荷深漁人指  
清時事羈遊意

盡付與狂歌醉有多才南阮自爲知己不似朱  
公江海去未成陶令田園計便楚鄉風景勝吾  
鄉何人對



琴趣外篇卷一終

琴趣外篇卷三

古陽關

寄無斁人  
弟宰寶應

草草蛩吟噎暗柳螢飛滅空庭雨過西風緊飄  
黃葉卷書帷寂靜對此傷離別重感歎中秋數  
日又圓月沙觜檣竿上淮水濶有飛鳬客詞  
珠玉氣冰雪且莫教皓月照影驚華髮問幾時  
清樽夜景共佳節

玉蝴蝶

暗憶少年豪氣爛南國蓬島風光醉倚吳王宮  
殿不解悲涼舞猶慵小腰似柳歌尚怯嬌語如  
簧好林塘玳筵留住彩舫攜將清狂揚州一  
夢中山千日名利都忘細數從前眼中歡事盡  
成傷去船迷亂花流水遺佩悄寒草空江黯愁  
腸算雲吟斷青鬢成霜

安公子

送進道四弟  
赴官無爲

柳老荷花盡夜來霜落平湖淨征雁橫天鷗舞

亂魚游清鏡又還是當年我向江南興移畫船  
深渚蒹葭映對半蒿碧水滿眼青山魂凝一  
番傷華鬢放歌狂飲猶堪逞水驛孤帆明夜此  
歡重事省夢回處詩塘春草愁難整宦情與歸  
期終朝競記他年相訪認取斜川三逕

惜分飛

別吳作

山水光中元無暑是我消魂別處只有多情雨  
會人深意留人住不見梅花來已算未見荷

花又去圖画他年覩斷腸千古茗溪路

又代別

消暑樓前雙溪匝画柱水晶宮裏人共荷花麗  
更無一點塵埃氣 不會使君恁恁至又作恁  
恁去計誰解連紅袂大家都把蘭舟繫

離亭宴

憶吳興寄金陵懷古聲中

憶向吳興假守雙溪四垂高柳儀鳳橋邊蘭舟  
過映水雕甍華牖燭下小紅粧爭看使君歸後

攜手松亭難又題詩水軒依舊多少綠荷相  
倚恨背立西風回首悵望採蓮人煙波萬重吳  
岫

滿庭芳

憶廬山

欲買廬山山前三畝小橋橫過松間變名吳市  
誰認舊客顏最好棲賢峽外應自此都隔塵寰  
人稀到壺中化國光景更堪閒無心求至道  
柴門閉了飽睡甘食幸兒成孫長爲掃家山若

琴趣外篇

三

清古閑

問他年歸去慕地也雙槩來還愁難捨清風萬  
壑高處正躋攀

又

次韻答  
季良

閒說秋來乘槎心閒懶夢回三島波閒便思黃  
帽同我老山顏上界仙人官府何似我蕭散塵  
寰雲無止流泉自急此意本來閒寂寥松桂  
圃陪君好語亦可忘食況瓊枝玉蘂秀滿春山  
若問幽棲何意莫道是飛鳥知還無言處孫登

半嶺高韻更難攀

又

用東坡韻題  
自画蓮社圖

歸去來兮名山河處夢中廬阜嵯峨二林深處  
幽士往來多自画遠公蓮社教兒誦李白長歌  
如重到丹崖翠戶瓊草秀金坡生綃雙幅上  
諸賢巾屨文彩天梭社中客禪心古井無波我  
似淵明逃社怡顏盼百尺庭柯牛閒放溪童任  
懶吾已廢鞭蓑



尾犯

廬山一名碧芙蓉

廬山小隱漸年來疎懶浸濃歸興綵橋飛過深  
溪池底奔雷餘韻香爐照日望處與青霄近想  
羣仙呼我應還怪曉來鬢絲垂鏡海上雲車回  
朝少女傳金母信森翠裾瓊佩落日初霞紛紜  
相映誰見湖中景花洞裏杳然漁艇別是個蕭  
洒乾坤世情塵土休問

尉遲杯

毫社作惜花

去年時正愁絕過却紅杏飛沉吟杏子青時追  
悔負好花枝今年又春到傍小闌日日數花期  
花有信人却無憑故教芳意遲遲 及至待得  
融怡未攀條拈藥又歎春歸怎得春如天不老  
更教花與月相隨都將命拚與酬花似峴山落  
日客猶迷儘歸路拍手攔街笑人沉醉如泥

八六子

重九卽事呈徐  
倅祖禹十六叔

喜秋晴淡雲縈縷天高羣雁南征正露冷初減

蘭紅風緊潛彫柳翠愁人漏長夢驚重陽景  
物淒清漸老何時無事當歌好在多情暗自想  
朱顏並遊同醉宦名韁鑣世路蓬萍難相見賴  
有黃花滿把從教綠酒深傾醉休醒醒來舊愁  
旋生

臨江僊

呈祖禹  
十六叔

盡說彭門新半邨昆吾刺玉如泥功名餘事不  
須爲才情詩裏見風味酒邊知好在阿咸同

老也青雲往歲心期千鍾百首興來時伯倫從  
婦勸元亮信兒癡

又

十歲兒曹同硯席華裙織翠如葱一生心事醉  
吟中相逢俱白首無語對西風莫道尊前情  
調減衰顏得酒能紅可憐此會意無窮夜闌人  
總睡獨遶菊花叢

蔦山溪

蘇園飲酒  
爲守令作

譙園幽古烟鎖前朝檜搖落衆紅時滿園空幾  
株蒼翠史君才譽金殿握蘭人將風調改荒涼  
便是嬉遊地 劉郎莫問去後桃花事司馬更  
堪憐掩金觴琵琶催淚愁來不醉不醉奈愁何  
汝南周東陽沈勸我如何醉

又

金樽玉酒佳味名仙檜恐是九龍泉堪一飲霜  
毛却翠何須說此只但飲陶陶燈光底百花春

自是仙家地 星郎早貴慣見風流事留我不  
須歸倒樽空燭堆紅淚飛鳧令尹才調吏翩翩  
休弔古枉傷神有興來同醉

又

毫社寄文  
潛舍人

蘭臺仙史好在多情否不寄一行書過西風飛  
鴻去後功名心事千載與君同只狂飲只狂吟  
綠鬢殊非舊 山歌村館愁醉潯陽叟且借兩  
州春看一曲樽前舞袖古來畢竟何處是功名

琴趣外篇

七

汲古閣

不同飲不同吟也勸時開口

又

和王定國朝散憶廣陵

揚州全盛往事今何處  
帆錦兩明珠  
胷薔薇月中嬉語  
朱衣白面分公子  
似神仙登雲嶼  
臨烟渚  
狂醉成懷古  
蘭舟歸後誰與春  
爲主吟笑我重來  
倚瓊花東風日暮  
胡霜點鬢流落共天涯  
竹西路高陽侶  
魂夢應相遇

憶秦娥

和留守趙無媿送別

牽人意高堂照碧臨烟水清秋至東山時伴謝  
公攜妓黃菊雖殘堪泛蟻乍寒猶有重陽味  
應相記坐中少個孟嘉狂醉

好事近

南都寄  
歷下人

綵筦開南湖湖上醉遊時晚獨看小橋官柳淚  
無言偷滿坐中誰唱解愁詞紅粧勸金盞物  
是奈人非是負東風心眼

阮郎歸

同十二叔  
泛濟州環溪



西城北渚舊追隨  
荒臺今是非  
白蘋無主綠蒲  
迷  
停舟憶舊時  
雙鴨戲  
亂鷗飛  
人家烟雨西  
不成攜手折芳菲  
蘭橈惆悵歸

又

一濠秋水靜漣漪  
紅粧照水嬉  
攀條尋藕怯船  
移  
浮萍溼繡衣  
臨好景  
惜輕歸  
夕陽洲渚迷  
城門燈火簇輪蹄  
沙鷗飛去時

又

兒童嬉戲杏花堤春歸不解悲重來草露溼人  
衣無花空繞枝曾學道久忘機一樽甘若飴  
平生魚鳥與同歸臨風心自知

宴桃源

往歲真源謫去紅淚揚州留住飲罷一帆東去  
入楚江寒雨無緒無緒今夜秦淮泊處

一叢花

謝濟侔宗室  
令郎送酒

王孫眉宇鳳皇雛天與世情疎揚州坐上瓊花

底佩錦囊曾憶奚奴金盞醉揮滿身花影紅袖  
競來扶十年一夢訪林居離袂重踟躕應憐  
肺病臨邛客寄洞庭春色雙壺天氣未佳梅花  
正好曾醉燕堂無

又

十二叔節推以无咎生日  
於此聲中爲辭俟韻和答

碧山無意解銀魚花底且攜壺華顛又喜熊羆  
且笑騏驎老反爲駒文史漸拖功名更懶隨處  
見真如高情敢並漢庭疎長揖去田廬囊無

上賜金堪散也未妨山獵溪漁廉頗縱莫隨  
年少白馬向黃榆

又

再呈十  
二叔

飛鳧仙令氣如虹脫屣向塵籠凌煙画像雲臺  
議似眼前百草春風盞裏聖賢壺中天地高興  
更誰同應懷得雋大明宮無事老馮公玉山  
且向花間倒任笑從老入花叢三徑步餘一枝  
眠穩心事付千鍾

琴趣外篇卷三

終

琴趣外篇卷四

臨江僊

用韻和韓求仁南都留別

曾唱牡丹留客飲  
明年何處相逢  
忽驚鵲起落  
梧桐綠荷多少  
恨回首背西風  
莫歎今宵身  
是客一樽未曉  
猶同此身應似  
去來鴻  
江湖春水濶  
歸夢故園中

又

同前

常記河陽花縣裏  
恰如飯顆山逢  
春城何處滿

綵桐綸巾并羽扇君有古人風  
重向梁王臺畔見黃花綠酒誰同新詩別後寄南鴻回頭思  
照碧人在白雲中

浣溪沙

廣陵被召留別

長飲都門春浪驚東飛身與白鷗輕淮山一點  
眼初明誰使夢回蘭芷國却將春去鳳皇城  
檣烏風轉不勝情

憶少年

別歷下

無窮官柳無情畫舸無根行客南山尚相送只  
高城人隔 罨畫園林溪紆碧算重來盡成陳  
迹劉郎鬢如此況桃花顏色

江神子

廣陵送王左丞赴闕

舊山鉛黛倦棲遲叩宸闈向淮圻五馬行春初  
喜後車隨太守風流客客醉花壓帽酒淋衣  
隋宮烟外草萋萋菊花時動旌旗起舞留公且  
住慰相思王粲詩成何處寄人北去雁南飛



虞美人

廣陵  
留別

江南載酒平生事，游宦如萍寄。蓬山歸路傍銀  
臺，還是揚州一夢，却驚回。年年后土春來早，  
不負金樽倒。明年珠履賞春時，應寄瓊花一朶  
慰相思。

金盞倒垂蓮

依韻和次膺寄  
楊仲謀觀察

諸阮英游盡，千鍾飲量百丈詞源對舞春風螺  
髻小雙蓮。念兩處登高臨遠，又傷芳物新年此。

淚不待桓伊危柱哀絃 身閒未應無事趣栽  
梅徑裏插柳池邊野鶴飄颻幽興在青田也莫  
話書生豪氣更銘功業燕然畢竟得意何如月  
下花前

又

次韻寄霸師  
楊仲謀安撫

休說將軍解彎弓掠地崑嶺河源綵筆題詩綠  
水映紅蓮算總是風流餘事會須行樂只有一  
部隨軒脆管繁絃 多情舊遊尚憶寄秋風萬

里鴻雁天邊未學元龍豪氣笑求田也莫爲庭  
槐興歎便傷搖落淒然後會一笑猶堪醉倒花  
前

西平樂

廣陵送王資  
政正仲赴闕

鳳詔傳來絳闕當宁思賢輔淮海甘棠惠化霖  
雨商巖吉夢熊虎周郊舊卜千秋盛際催促朝  
天歸去動離緒空眷戀難暫住新植雙亭臨  
水風月佳名未覩準擬金樽時舉況樂府風流

一部妍歌妙舞縈雲回雪親教與恨難訴爭欲  
攀轅借住功成繡袞重與江山作主

御街行

待命護國院不  
得入國門寄內

年年不放春閒了今歲銜盃少來時柳上淺金  
黃歸路玉綿吹帽惜春長似五陵狂俊不道朱  
顏老斜烟薄雨青林杳猶有鶯聲到西園紅  
艷綠盤龍辜負一年春好錦城樂事不關愁眼  
何似還家早

琴趣外篇

卷四

汲古閣

生查子

感舊

宮裏妒娥眉十載辭君去翠袖怯天寒修竹無人處  
今日近君家望極香車驚一水是紅墻  
有恨無由語

青玉案

十年不向東門道信匹馬羞重到玉府驂鸞猶  
年少宮花頭上御爐烟底常日朝回早霞觴  
翻手羣僊笑恨塵土人間易春老白髮愁占彤

庭杳紅牆天阻碧濠烟鎖細雨迷芳草

水龍吟

始去齊路逢次  
磨叔咸別敘舊

去年暑雨鉤盤夜闌睡起同征轡今年芳草齊  
河古岸扁舟同艤萍梗孤縱夢魂浮世別離常  
是念當時綠鬢狂歌痛飲今憔悴東風裏此  
去濟南爲說道愁腸不醒猶醉多情北渚兩行  
烟柳一湖春水還唱新聲後人重到應悲桃李  
待歸時攬取庭前皓月也應堪寄

琴趣外篇

卷四

汲古閣

南歌子

蘇軾作

霜細猶欺柳風柔已弄梅東園撻鼓賞新醅喚  
取舞裙歌扇探春回妙舞堪千盞長歌可百  
盃笑人將恨上春臺勸我十分一舉兩眉開

醉落魄

用韻和李季良泊山口

高鴻遠驚溪山一帶入煙簇知君船近漁磯宿  
輕素橫溪天淡挂寒玉誰家紅袖闌干曲南  
陵風軟波平綠幽吟無伴芳樽獨清瘦休文一

夜傷單穀

萬年歎

次韻和季良

憶昔論心盡青雲少年燕趙豪俊二十南游曾  
上會稽千仞振袂江中往歲有騷人蘭蓀遺韻  
嗟管鮑當日貧交半成翻手難信君如未遇  
元禮肯抽身盛時尋我幽隱此事談何容易驥  
才方騁綵舫紅粧圍定笑西風黃花班鬢君欲  
問投老生涯醉鄉岐路偏近



臨江僊

信州作

謫宦江城無屋買殘僧野寺相依松間藥臼竹  
間衣水窮行到處雲起坐看時一箇幽禽緣  
底事苦來醉耳邊啼月斜西院愈聲悲青山無  
限好猶道不如歸

虞美人

羊山餞杜侍郎郡君  
十二姑及外弟天達

原桑飛盡霜空杳霜夜愁難曉油燈野店怯黃  
昏窮途不減酒杯深故人心羊山故道行人

少也送行人老一般別語重千金明年過我小  
園林話如今

安公子

和次  
膺叔

少日狂遊好閨苑花間同低帽不恨千金輕散  
盡恨花殘營老命小轡翩翩隨處金樽倒從市  
人拍手攔街笑鎮瓊樓歸臥麗日三竿未覺  
迷路桃源了亂山沉水何由到撥斷朱絃成底  
事痛知音人悄似近日曾教青鳥傳佳耗學鳳

簫擬入烟蘿道問劉郎何計解使紅顏却少

綠頭鴨

韓師朴相公會上觀  
佳妓輕盈彈琵琶

新秋近晉公別館開筵喜清時銜盃樂聖未饒  
綠野堂邊繡屏深麗人乍出坐中雷雨起鵲絃  
花暖間關冰凝幽咽寶釵搖動墜金鈿未彈了  
昭君遺怨四坐已凄然西風裊香街駐馬嬉笑  
微傳算從來司空慣斷腸初對雲鬟夜將闌  
井梧下葉砌蛩收響悄林蟬賴得多愁潯陽司

馬當時不在綺筵前  
競歎賞檀槽倚困沉醉倒  
觥船芳春調紅英翠萼重變新妍

水龍吟

寄留守  
無愧丈

滿湖高柳搖風坐看驟雨來  
湖面跳珠濺玉圓  
荷翻倒輕鷗驚散堂上涼生  
檻前暑退羅裾凌  
亂想東山謝守綸巾羽扇  
高歌下青天半應  
記狂吟司馬去年時  
黃花高宴竹枝苦怨琵琶  
多淚新年鬢換常恐歸時  
眼中物是日邊人遠

望隋河一帶傷心霧霽遣離魂斷

惜奴嬌

歌闕瓊筵暗失金貂似說衷腸丁寧囑付棹舉  
帆開黯行色秋將暮欲去待却回高城已暮  
漁火煙村但觸目傷離緒此情向阿誰分訴那  
裏思量爭知我思量苦最苦睡不著西風夜雨

臨江僊

身外閒愁空滿眼就中歡事常稀明年應赴送

君詩試從今夜數相會幾多時  
淺酒欲邀誰共勸深情惟有君  
知東溪春近好同歸柳垂江  
上影梅謝雪中枝

又

自古齊山重九勝登臨夢想依依偶來恰值菊  
花時難逢開口笑須插滿頭歸昨夜一江風  
色好好平明秋浦帆飛可憐如赴史君期且當訓  
令節不用歎斜暉

滿庭芳

鄉物牽情家山回首浩然歸興難收報恩心事  
投老拚悠悠却笑當年牛下輕自許激烈寒謳  
成何事夷猶桂楫蘭芷詠芳洲人生萍梗迹  
誰非樂土何處吾州算不須臨岐懔懔遲留要  
看香爐瀑布丹楓亂江色凝秋真堪與瀟湘暮  
雨圖上畫扁舟

定風波

跨鶴揚州一夢回東風拂面上平臺閨苑花前  
狂覆酒拍手東風騎鳳却教來 謫好伯陽丹  
井畔官滿平臺還見片帆開上界雖然官府好  
總道散仙無事好追陪

千秋歲

玉京仙侶同受琅函結風雨隔塵埃絕霞觴翻  
手破閨苑花前別鵬翼斂人間泛梗無由歇  
豈憶山中酒還共溪邊月愁悶火時間滅何妨



心似水莫遺頭如雪春近也江南雁識歸時節

又

葉舟容易行盡江南地南雁斷無書至憐君羈  
旅處見我飄蓬際如夢寐當年閔苑曾相對  
休說深心事但付狂歌醉那更話孤帆起水精  
溪遶戶雲母山相砌君莫去只堪伴我溪山裏

鷓鴣天

欲上南湖綵舫嬉還思北渚與嵐猗圓荷蓋水

垂楊岸鷓鴣鴛鴦總下時  
持此意遣誰知清  
波還照鬢間絲西樓重唱池塘好應有紅粧斂  
翠眉

清平樂

炎天畏景午漏那堪永何苦相仍愁簿領短壑  
清溪牽興瑤臺月下曾逢何由却覩冰容一  
笑爲驅煩暑故人元是清風

琴趣外篇卷四

終

琴趣外篇卷五

虞美人

川韻答  
秦令

荒城又見重陽到  
狂醉還吹帽  
人生開口笑難逢  
何況良辰一半別離中  
平臺珠履登高處  
猶自懷人否  
且簪黃菊滿頭歸  
惟有此花風韻似年時

浣溪沙

江上秋風高怒號  
江聲不斷雁嗷嗷  
別魂迢遞

爲君銷 一夜不眠孤客耳耳邊愁聽雨蕭蕭  
碧紗窗外有芭蕉

萬年歡

寄韻次  
贈叔

十里環溪記當年並遊依舊風景綵舫紅粧重  
泛九秋清鏡莫歎歌臺蔓草喜相逢歡情猶勝  
蘋洲畔橫玉驚鷺半天雲正愁凝 中秋醉魂  
未醒又佳辰授衣良會堪更蚤歲功名豪氣尚  
凌汝穎能致黃金一井也莫負鵬夷高興別有

箇瀟洒田園醉鄉天地同永

一叢花

東君密意在花心飛雪戲粧林多情定怪春來  
晚故奇花千點深深煙柳上輕風絲漫裊樓閣  
晚還陰雕梁雙燕悄來音簾幕鎮沉沉西城  
未有花堪採醉狂與冷落難禁應約萬紅商量  
細細留向未開尋

減字木蘭花

和求仁南  
郡都別

萍蓬行路來不多時還遣去會有重來還把清  
樽此地開 隋河楊柳見我五年三執手紅淚  
多情待得重來走馬迎

菩薩蠻

玉京不許塵容到疎慵只合疎慵老鷗鳥共烟  
波田夫與醉歌 忘懷無物我莫似陳驚坐勲  
業付長閒西山爽氣間

鷓鴣天

杜四侍郎郡君  
十二姑生日

吉夢靈虵朱夏宜佳辰阿母會瑤池竹風荷雨  
來消暑玉李冰瓜可療飢心悟了道成時不  
勞龍女騁威儀僧祇世界供遊戲賢懿光陰比  
壽期

鳳簫吟

永嘉郡君生日

曉曠隴風和雨細南園次第春融嶺梅猶妒雪  
露桃雲杏已綻碧呈紅一年春正好助人狂飛  
燕遊蜂更吉夢良辰對花忍負金鍾香濃博

琴趣外篇

卷五

汲古閣



山沉水小樓清旦佳氣葱葱舊遊應未改武陵  
花似錦笑語相逢藥宮傳妙訣小金丹同換冰  
容況共有芝田舊約歸去雙峰

梁州令

二月春猶淺去年櫻桃開遍今年春色怪遲遲  
紅梅常早未露臙脂臉東君遣春來緩似會  
人深願蟠桃新鏤雙盞相期似此春長遠

引駕行

亦名  
長春

春雲輕鎖春風乍扇園林曉掃華堂正桃李芳  
時誕辰還到年少記絳蠟光搖金猊香郁寶粧  
了驟駿馬天街向晚喜同車詠窈窕多少廬  
家壺範杜曲家聲榮耀慶孟光齊眉馮唐白首  
鎮同歡笑縹緲待琅函深討芝田高隱去偕老  
白別有壺中永日比人間好

菩薩蠻

百花含蘊東風裏南園小雨朱扉啓春色一年

年年花共妍  
清談招隱去莫認如賓處華  
髮好風光林間此味長

點絳脣

回雁風微養花濃淡天容好似春知道吉夢佳  
人到共樂春臺攜手蓬萊小同傾禱願春不  
老歲歲尋芳草

上林春

韓相  
生日

天惜中秋三夜淡雲占得今宵明月孟陬歲好

金風氣爽清時挺生賢哲相門出相算鍾慶自  
應累葉乍歸來暫燕處共仰赤松高轍想人  
生會須自悅浮雲事笑裏尊前休說舊有袞衣  
公端未晚千歲盛明時節命圭相印看重賞晉  
公勲業濟生靈共富貴海深天濶

楊柳枝

素色清薰出俗華臘前花軒前愛日掃雲遮幾  
枝斜月淡紗窗香暗透白於沙幽人獨酌對

芳葩興無涯

驀山溪

鳳皇山下東畔青苔院記得當初個與玉人幽  
歡小宴黃昏風雨人散不歸家簾旌捲燈火顫  
驚擁嬌羞面別來憔悴偏我愁無限歌酒情  
都減也不獨朱顏改變如今桃李湖上泛舟時  
青天晚青山遠願見無由見

又

自來相識比爾情都可咫尺千里算惟孤枕單  
衾知我終朝盡日無緒亦無言我心裏忡忡也  
一點全無那香牋小字寫了千千個我恨無  
羽翼空寂寞青苔院鎖昨朝冤我却道不如休  
天天天不曾麼因甚須冤我

生查子

夜飲別佳人梅小猶飄雪忍淚一春愁過却花  
時節相見話相思重與臨風月休似那同時

無事還輕別

少年遊

當年攜手是處成雙  
無人不羨自問阻五年也  
一夢擁嬌嬌粉面  
柳眉輕掃杏腮微拂  
依前雙靨盛睡裏起來尋覓  
却眼前不見

青玉案

三年宋玉墻東畔  
怪相見常低面  
一曲文君芳心亂  
怱怱依舊吹散  
月淡梨花館  
秋娘苦妒

浮金盞漏些子堪猜是嬌吟歸去相思腸應斷  
五更無寐一懷好事依舊藍橋遠

江城子

贈次膺叔  
家娉娉

娉娉聞道似輕盈好佳名也堪稱楚觀雲歸重  
見小樊驚豆蔻梢頭春尚淺嬌未顧已傾城  
葦臺休詠舊青青惹離情恨難平無事飛花撩  
亂撲旗亭不似劉郎春草小能步步伴人行

青玉案

娉娉



彩雲易散琉璃脆念往事心將碎只合人間十  
三歲百花开盡丁香獨自結恨春風裏小園  
幽檻經行地恨春草佳名謾拋棄簇蝶羅裙休  
將施香殘燭盡微風觸幔髩嬌嚬是

勝勝慢

家妓榮奴  
既出有感

朱門深掩擺蕩春風無情鎮欲輕飛斷腸如雪  
撩亂去點人衣朝來半和細雨向誰家東館西  
池算未肯似桃含紅藥留待郎歸還記章臺

往事別後縱青青似舊時垂瀕岸行人多少竟  
折柔枝而今恨啼露藥鎮香街拋擲因誰又爭  
可妬郎誇春草步步相隨

點絳脣

同前

檀口星眸艷如桃李情柔惠據我心裏不肯相  
拋棄哭怕人猜笑又無滋味忡忡地繫人心  
裏一句臨岐誓

琴趣外篇卷五

琴趣外篇卷六

永遇樂

贈漣宅  
聚奴

銀燭將殘玳筵初散依舊愁緒醉裏凝眸嬌來  
縱體此意難分付憐伊只似風前輕燕好語暫  
來還去重樓靜珠簾休下待掃画梁留住青  
娥皓齒雲鬟花面見了綺羅無數只你厭厭教  
人竟日一點無由訴如今拚了縈眠惹夢沒個  
頻身心處深誠事驂鸞解佩是許未許

琴趣外篇

卷六

汲古閣

虞美人

代內

梅花時候君輕去曾寄紅牋與胡麻好種少人  
知正是歸時何處誤芳期誰教又作狂遊遠  
歸路楊花滿當年不負瑣窗春老向長楸走馬  
更愁人

朝天子

酒醒情懷惡金縷褪玉肌如削寒食過却海棠  
花零落漸日照闌干烟淡薄繡額珠簾籠画

閣春睡著覺來失鞦韆期約

行香子

贈輕盈

柳態纖柔雪艷疎明問人來人道輕盈張琵琶  
臉一寸波橫比瀟灑處猶難稱此嘉名花前  
燭下微嚙淺笑要題詩盞畔低聲司空自慣狂  
眼須驚也不辭寫雙羅帶恐牽情

感皇恩

終歲憶春回西園行盡歡喜梅梢上春信去年

琴趣外篇一

卷六

汲古閣

攜手暗約芳時還近燕來鶯又到人無準憑  
誰向道流光一瞬佳景閒無事衣褪春歸何處  
又對飛花難問舊歡都未遇成新恨

臨江僊

代內

馬上忽忽聽鵲喜朦朧月淡黃昏碧羅雙扇擁  
朝雲粉光先辨臉朱色怎分脣暫別寶奩蛛  
網遍春風淚污榴裙香牋小字寄行雲纖腰非  
學楚寬帶爲思君

碧牡丹

王晉卿都尉宅觀舞

院宇簾垂地銀箏雁低春水送出燈前婀娜腰  
肢柳細步蹙香裯紅浪隨鴛履梁州紫鳳翹墜  
悚輕體繡帶因風起霓裳恐非人世調促香  
檀困入流波生媚上客休辭眼亂樽中翠玉階  
霜透羅袂

少年遊

前時相見樓頭窗畔樽酒望銀蟾如今間阻銀



蟾又滿小閣下珠簾  
願得吳山山前雨長恁  
晚廉纖不見樓頭嬋娟月  
且寂寞閉窗眠

西江月

似有如無好事多難少  
會幽懷流鶯過了又蟬  
催腸斷碧雲天外  
不寄書還可恨全無夢也  
堪猜秋風吹淚上樓臺  
只恐朱顏便改

鷓鴣天

繡幕低低拂地垂  
春風何事入羅幃  
胡麻好種

無人種正是歸時君未歸  
臨晚景憶當時愁  
心一動亂如絲夕陽芳草本無恨才子佳人空  
自悲

滿江紅

寄內

月上西窗書幃靜燈明又滅水漏澁銅壺香燼  
夜霜如雪睡眠不曾通夕閉夢魂爭得連宵接  
念碧雲川路古來長無由越  
鸞釵重青絲滑  
羅帶緩小腰怯伊多感那更恨離傷別正是少

琴瑟久矣

四

卷下

年佳意氣漸常故里春時節歸去來莫教子規啼芳菲歇

菩薩蠻

代歌者怨

綠簾鬪好鶯羞巧紅檀微映燕脂小當口斂雙蛾曲中幽恨多知君憐舞袖舞要歌成就獨舞不成妍因歌舞可憐

減字木蘭花

陳履常

娉娉嫋嫋紅落東風青子小妙舞委蛇拍誤周

郎却未知 花前月底誰喚分司狂御史欲語  
還休喚不回頭沒著羞

臨江仙

離別尋常今白首更須竹雨蕭蕭不應都占世  
間豪清風居士手楊柳洛城腰 文子功名真  
自誤從今好月良宵只消憐取董嬌饒修門君  
自到不用我詞招

又

見蓬州  
見和

琴趣外篇

五

汲古閣

君似蒼崖千仞竹一枝孤映蒨蕭簞瓢不減萬  
鍾豪間情搔短髮佳句詠纖腰罷酒蘭舟回  
楚梅相思何處今宵淮南幽桂水雲饒他年春  
草恨應有小山招

紫玉簫

過堯民金部四叔位見  
韓相家姬輕盈所留題

羅綺叢中笙歌叢裏眼狂初認輕盈無花解比  
似一鈎新月雲際初生算不虛得郎占與第一  
佳名卿歸去那知有人別後牽情襄王自是

春夢休說東牆事更難憑誰教慕宋要題詩  
曾倚寶柱低聲似瑤臺曉空暗想衆裏飛瓊餘  
香冷猶在小窗一到魂驚

鬪百草

別日常多會時常少天難曉正喜花開又愁花  
謝春也似人易老慘無言念舊日朱顏清歡莫  
笑便冉冉如雲霏似雨去無音耗 追想牆頭  
梅下門裏桃邊名利爲伊都惹了血寫香箋淚

琴趣外篇

六

汲古閣

封羅帕記三日離腸恨攪如今事十二樓空憑  
誰到此情悄擬回船武陵路杳

又

往事臨邛舊遊雅態羞重憶解賦才高好音情  
悲琴裏句中暗識正當年似閨苑瓊枝朝朝相  
倚便滌器何妨當壚正好鎮同比翼誰使寒  
裳珮失推枕雲歸惆悵至今遺恨積雙鯉書來  
大刀詩意縱章臺青青似昔重尋事前度劉郎

轉愁寂謾贏得對東風對花歎息

鬪百花

汶妓  
閭麗

小小盈盈珠翠憶得眉長眼細曾共映花低語  
已解傷春情意重向溪堂臨風看舞梁州依舊  
照人秋水轉更添姿媚與問階上簸錢時節  
記微笑但把纖腰向人嬌倚不見還休誰教見  
了厭厭還是向來情味

又



春色朝霞紅膩眼色秋波明媚雲度小釵濃鬢  
雲透輕綃香臂不語凝情教人喚得回頭斜盼  
未知何意百態生珠翠低問石上鑿井何由  
及底微向耳邊同心有緣千里飲散西池涼蟾  
正滿紗窗一語繫人心裏

又

斜日東風深院繡幕低迷歸燕瀟灑小屏嬌面  
髣髴燈前初見與選筵中銀盆半折姚黃插向

鳳皇釵畔微笑遮紈扇  
教展香衾看舞霓裳  
促遍紅颭翠飜驚鴻乍拂秋岸柳困花情盈盈  
自整羅巾須勸倒金盞

御街行

天街月照珠簾粉鞦韆曾相近繁華樂事老來  
慵對酒尚憐佳景王孫年少風流應更無奈春  
愁悶幽期莫誤香閨恨羅帶今朝褪月圓花  
好一般春觸處總堪乘興有人惆悵何如歸好

相見憑君問

南歌子

睡起臨窗坐粧成傍砌聞春來莫捲繡簾看嫌  
怕東風吹恨在眉間 鸚鵡花前弄琵琶月下  
彈驀然收袖倚闌干一向思量何事點雲鬟

清平樂

寒風雁度聲向千門去也到文闈校文處也到  
文君繡戶 背燈解帶驚魂長安此夜秋聲早

是夜寒不寐五更風雨無情

好事近

歸路苦無多正值早秋時節應是画簾靈鵲把  
歸期先說就中風送馬蹄輕人意漸歡悅此  
夜醉眠無夢任西樓斜月

洞僊歌

泗州中秋作此  
絕筆之詞也

青烟幕處碧海飛金鏡永夜閒階臥桂影露涼  
時零亂多少寒蟬神京遠惟有藍橋路近水

琴趣外篇

九

漢書

晶簾不下雲母屏開冷浸佳人淡脂粉待都將  
許多明月付與金尊投曉共流霞傾盡更攜取  
胡牀上南樓看玉做人間素秋千頃

琴趣外篇六卷宋左朝奉秘書省著作郎

充秘閣校理國史編修官濟北晁補之元

咎長短句也其所為詩文凡七十卷自名

雞肋集惟詩餘不入集中故云外篇昔年

見吳門鈔本混入趙文寶諸詞亦名琴趣

外篇蓋書賈射利眩人耳目最為可恨余  
已釐正介菴詞辨之詳矣无咎雖游戲小  
詞不作綺艷語殆因法秀禪師諄々戒山  
谷老人不敢以筆墨勸淫耶大觀四年卒  
于泗州官舍自画山水留春堂大屏上題  
云胸中正可吞雲夢殘底何妨對聖賢有  
意清秋入衡霍為君無盡寫江天又詠洞  
仙歌一闕遂絕筆不知何故逸去今依花

菴詞客附諸末幅古虞毛晉識

琴趣外篇卷六

終

烘堂詞

目錄

西江月

一調

念奴嬌

一調

鵲橋仙

一調

柳梢青

一調

謁金門

三調

浣溪沙

一調

賀新郎

一調

菩薩蠻

一調

好事近

一調

木蘭花

一調

回堂春

一調

臨江仙

一調

烘堂詞

汲古閣



踏莎行 一調

杏花天 一調

水調歌頭 一調

鷓鴣天 一調

菩薩蠻 一調

踏莎行 一調

賀新郎 一調

水調歌頭 一調

武陵春 一調

朝中措 一調

小重山 一調

玉團兒 一調

醉蓬萊 一調

一翦梅 一調

滿江紅 一調

水調歌頭 一調

清平樂

一調

念奴嬌

三調

瑞鷓鴣

一調

武陵春

一調

鷓鴣天

一調

驀山溪

二調

減字木蘭花

一調

滿江紅

一調

踏莎行

一調

蝶戀花

一調

點絳脣

一調

訴衷情

一調

念奴嬌

一調

冉冉雲

一調

減字木蘭花

一調

鷓鴣天

一調

水龍吟

一調

柳梢青

一調

少年遊

一調

漢宮春

一調

多麗

一調

滿江紅

一調

蝶戀花

一調

水調歌頭

一調

滿江紅

一調

訴衷情

一調

浣溪沙

一調

清平樂

一調

菩薩蠻

一調

詞目

終

烘堂詞

宋 盧炳

西江月

殘雪猶餘遠嶺晚煙半隱寒林溶溶春漲綠波  
深時有漁人釣艇倚岸野梅墜粉蘸溪宮柳  
搖金凭欄凝竚酒初醒料得誰知此景

念奴嬌

晚天清楚掃太虛纖翳涼生江山四顧青冥天

地闊惟有殘霞孤鷺山氣凝藍汀煙引素竦竦  
浮群木白蘋風定波澄萬頃寒玉時有一葉  
漁舟收綸垂釣來往何幽獨短髮蕭蕭襟袖冷  
便覺都無裨溲曳杖歸來夜深人悄月照鱗鱗  
屋藤牀一枕迥然清夢無俗

鵲橋仙

七夕

餘霞散綺明河翻雪隱隱鵲橋初結牛郎織女  
兩逢迎勝却人間歡悅一宵相會經年離別

此語真成浪說細思怎得似嫦娥解獨宿廣寒  
宮闕

柳梢青

蘭蕙心情海棠韻度楊柳腰肢步穩金蓮手纖  
春筍膚似凝脂歌聲舞態都宜拚著箇堅心  
共伊無奈相思帶圍寬盡說與教知

又

梅蠟

雅淡精神鉛黃未洗猶帶殘粧春艷一枝鵝兒

顏色染就織裳 月移影轉南窓特地送些兒  
暗香宿酒初醒這般滋味夢斷池塘

謁金門

春寂寂節物又催寒食樓上捲簾雙燕入斷魂  
愁似織 門外雨餘風急滿地落英紅濕好夢  
驚回無處覓天涯芳草碧

又

春事寂苦筍鮓魚初食風捲繡簾飛絮入柳絲

縈似織 迅速韶光去急過雨綠陰尤濕回首  
舊遊何處覓遠山空竚碧

又

送客

門巷寂梅豆微酸怯食別恨縈心愁易入寸腸  
如網織 去櫓咿啞聲急淚滴春衫輕濕尺素  
待憑魚鴈覓遠煙凝處碧

浣溪沙

水閣無塵午晝長薰風十里藕花香一畚踈雨



步言  
釀微涼 旋點新茶消睡思不將醺醺惱詩腸  
三  
闌干倚徧挹湖光

賀新郎

綠遍芳郊未早紅褪香乾堪歎韶華瞬目薄倖  
東皇緣底事得恁匆匆去速正永日初長晴淑  
尤憶夜來成夢處記分明渾似瑤臺宿人語靜  
燕雙逐 紗窓一炷沈煙馥拚淋漓劇飲高枕  
春醒草呈無計畱春添悵望空寫新詞墨福算

負却照妝画燭欲說縈心些箇事恐教人感損  
眉峰綠慵倚遍画闌曲

菩薩蠻

和韻

夢回小枕欹寒玉博山香暖沈煙續帷薄怯輕  
紗風牽幌帶斜夜窓雲影細月送花陰至身  
世在陶唐閑愁不掛腸

好事近

庭院欲昏黃秋思惱人情亂寶瑟試彈新曲更

烘堂詞

四

汲古閣

與誰同伴 陽臺魂夢杳無踪  
奴住巫山畔 不似楚襄雲雨渾輸他一半

減字木蘭花

傳消息咫尺還如千里隔  
欲見無由惹起新愁與舊愁  
情懷如醉欹枕連宵終不寐  
無奈相思此恨憑誰說與伊

画堂春

輕紅桃杏鬪嬌妍  
曉來惹情祥  
因覓遊蜂節下

雲天行地神仙  
盛事頻封錦誥  
歌聲齊勸金  
蓮從敎滄海變  
桑田富貴長年

臨江仙

壽老人

弱水蓬萊真勝地  
祥煙閃爍霓旌  
瑤池驪會下  
雲輶康寧新喜事  
淑善舊家聲  
戲綵捧觴真  
樂事蟠桃獻壽  
千春從今更願  
子孫榮加恩封  
錦誥學道誦黃庭

踏莎行

烘堂詞

五

汲古閣

秋色人家夕陽洲渚西風催過黃華渡江煙引  
素忽飛來水禽破暝雙雙去犇走紅塵棲遲  
羈旅斷腸猶憶江南句白雲低處鴈回峰明朝  
便踏瀟湘路

杏花天

鏤冰翦玉工夫費做六出飛花亂墜舞風情態  
誰相似算只有江梅可比極目處瑤瑤萬里  
海天闊清寒似水從教高捲珠簾□□□□

□□□

水調歌頭

題蒲圻景星亭上慕容宰

華亭新偉觀勝地得高雄凭欄徙倚要眇萬里  
景無窮好是江流縈繞那更雲天舒闊疊嶂倚  
晴空眼界無盡藏懷抱有清風主人賢開綺  
席泛金鐘放懷一笑許我滿酌醉顏紅祗恐璽  
書卽下促起飛鳬東去行作黑頭公還記今朝  
客曾待一杯全

鷓鴣天

初過清明春晝長  
紫紅香霧滿華堂  
朱顏阿母逢生旦  
綵戲兒孫捧壽觴  
齊祝頌喜平康  
天教兩鬢正蒼蒼  
壺中日月應長久  
笑看蟠桃幾度芳

菩薩蠻

石榴裙束纖腰裊  
金蓮穩襯弓靴小  
嬌駭口羞人  
傘低遮半身  
思情如紙薄  
方信當初錯  
避

迨苦匆匆還疑是夢中

踏莎行

雅淡容儀溫柔情性偏伊賦得多風韻明眸剪  
出玉爲肌鳳鞋弓小金蓮襯相見雖頻歡娛  
無定蠻牋寫了憑誰問堅心好事有成時須教  
人道都相稱

賀新郎

池館閑凝目有玉人向晚妖嬈洗妝梳束雅淡



容儀妃子樣羞使臙脂點觸瑩冰雪精神難掬  
好是月明微露下似晚涼初向清泉浴好對我  
笑羞縮好風拂面渾無俗更撩人清興異香  
芬馥惹起新愁無著處細與端相未足俏不忍  
遊蜂飛撲可惜伊家嬌媚態問天公底事教幽  
獨待拉向錦屏曲

水調歌頭

風馭過姑射雲珮挹浮丘丁寧月姊爲我澄霽

一天秋盡展冰奩玉鑑要看瑤臺銀闕萬里冷  
光浮分與世間景好在水邊樓想霓裳呈妙  
舞起清謳藍橋何處試尋玉杵恣追遊擬待鉛  
霜擣就緩引瓊漿沈醉誰信是良籌長嘯跨鯨  
背不必願封畱

武陵春

廣何顯夫  
小舟有景

紅荻黃蘆秋已老妝點楚江頭更有吳姬撥小  
橈來往自妖嬈款款艤舟臨別岸短纜繫花

梢料得前身是莫愁依舊有風流

朝中措

曉來天氣十分涼時候近重陽村落人家瀟灑  
籬菊有芬芳年來漸覺詩腸愈窄酒量偏狂  
好景不須放過何妨一醉千觴

小重山

一見情懷便雅投尊前成密約意綢繆已成行  
計理歸舟空相憶無計爲伊畱執別話離愁

縈牽滋味惡在心頭而今無奈阻歡遊些子事  
此恨兩悠悠

玉團兒

用周美成韻

綠雲慢綰新梳束這標致諸餘不俗邂逅相逢  
情懷雅合全似深熟耳邊笑語論心曲把不  
定紅生臉肉若得同歡共伊偕老心事忒足

醉蓬萊

上南安太守  
庚戌正月

正春回紫陌瑞靄飛浮暖風輕扇皓月初圓覺

烘堂詞

九

汲古閣

嚴城寒淺綵結熬山紗籠銀燭與花爭艷午夜  
融和紅蓮萬頃一齊開遍 訟簡民熙使君行  
樂簇擁朱輪旌旗輝煥鼎沸笙歌遏行雲不散  
咫尺泥封促朝天陞侍玉皇香案來歲元宵龍  
燈影裡金杯宜勸

一翦梅

元宵

燈火樓臺萬斛蓮千門喜笑素月嬋娟幾多急  
筦與繁絃巷陌駢闐畢獻芳筵 樂與民偕五

馬賢綺羅叢裡一簇神仙傳柑雅宴約明年盡  
夕畱連滿汎金船

滿江紅

碧眼真仙算元住蓬萊宮裡記當日等閑跨鶴  
人間遊戲要把忠勲扶帝業更將姓字聯宗系  
擁朱輪特地爲萬民來詩書帥 千里地都和  
氣十萬戶生歡喜祝黃堂眉壽歌謠鼎沸莫惜  
春醅供燕豆便承芝檢朝天陞看雲屏隔坐並

貂蟬雙清貴

水調歌頭

上沈倅

再拜識英度喜氣覺飛浮神清骨秀元是蓬萊  
謫仙流盍去冲摩霄漢剛向平分風月半刺嶺  
南州素蘊未施展闊步尚淹畱一從此去朝帝  
闕侍宸旒論思獻替要須直與古人倅好是羽  
儀朝著勒就鼎彝勲業却倅赤松遊曳杖太湖  
曲笑傲八千秋

清平樂

木犀

琉璃翦葉點綴黃金屑  
雅淡幽姿風味別  
翠影婆娑弄月  
秋光占斷江南  
清香鼻觀先參一  
孕折來和露烏雲髻  
畔斜簪

念奴嬌

白蓮呈羅教黃法

鑿開方沼問何人  
種玉工夫奇絕幻  
出瀛洲有  
十萬水仙羅列  
風曳璚裾露零珠珮  
天上人裝  
結君看炎夏墮來何處  
冰雪  
我來對此涼生



紅塵飛盡却笑凌波襪最愛幽姿能雅淡自蓄  
芳馨孤潔挹取天漿喚將空籍齊作清歌發不  
知塵世晃然身在瑤闕

又

碧池如染把玻璃斲就織埃都絕西國夫人空  
裏墜圓蓋亭亭排列瑩質無瑕塵心不染遠社  
堪重結當時盛事虎溪茗盤翻雪千載此意  
誰論人爭買笑醉眼看羅襪坐上如今皆我輩

素蘊從來蠲潔擊節臨風停杯對月浩氣俱英  
發兩翁仙舉玉堂正在金闕

又

好風明月共芙蓉占作人間三絕試問千花還  
敢與英姿同列一曲千鍾凌雲長嘯舒放愁腸  
結人生易老莫教雙鬢添雪回首蠅利蝸名  
微官多誤自笑塵生襪爭似玉人真嫵媚表裏  
冰壺明潔露下寒生參橫斗轉又聽胡笳發夜

關人靜一聲清透雲闕

瑞鷓鴣

除夜依逆旅主人  
寒雨不止夜酌

客裡驚嗟又歲除蕭蕭寒雨滴茅廬山深溪轉  
泉聲碎夜永風搖燭影孤冷甚只多燒木葉  
詩成無處寫桃符強酬節物聊清酌今歲屠蘇  
自取疎

武陵春

舟行三衢間江千梅盛開  
爲風雨所妬賦此以惜之

常記江南春欲到消息付南枝疎影橫斜照水

時月淡暗香遲。可惜江頭千樹玉。雨暗更風欺。傳語東君管領伊。憔悴有誰知。

鷓鴣天

席上  
戲作

秋月明眸兩鬢濃。衫兒貼體縐輕紅。清聲宛轉歌金縷。纖手殷勤捧玉鍾。嬌姪姘。語惺鬆。酒香沸沸透羞容。剎郎莫恨相逢晚。且喜桃源路已通。

驀山溪

淡粧西子怎比西湖好  
南北兩長隄有卷回樓  
臺多少翠光千頃一片淨  
琉璃泛蘭舟搖画槳  
盡日金尊倒名園精舍總被遊人  
到年少與佳人共攜手  
嬉遊歌笑夕陽西下沈醉盡歸來  
鞭寶馬開竿隨簇著花藤轎

又

與何遂  
夫爲壽

韶華七換阻慶生申旦  
今日向高堂載卮酒爲  
君滿勸繡簾低掛瑞靄  
香濃倩雙娥敲象板

緩緩歌珠貫 芝蘭挺秀俱是皇家彥只這一般奇見方寸平生積善幾多厚德天錫與遐齡  
鬢長青顏不老日日開華宴

減字木蘭花

莎衫筠笠正是村村農務急綠水千畦慚愧秧針出得齊  
風斜雨細麥欲黃時寒又至饁婦耕夫画作今年稔歲圖

滿江紅

送趙李行  
赴金壇

積雨連朝添新漲一篙春碧寒猶在東風料峭  
柳絲無力繫惹回船都不住從教蘭棹雙飛急  
泛大江東去欲何之瓜期迫龍鍾商神仙伯  
全閨彥文章客算河陽花縣恁生畱得製錦才  
高書善最鳴琴化洽人懽懽想未容坐暖詔歸  
來君王側

踏莎行

過黃花渡沽白  
酒因成呈天休

獵獵霜風濛濛曉霧歸來喜踏江南路千林翠

幄半紅黃試看青女工夫做 茅舍疎籬竹邊  
低戶誰家酒滴真珠露旋酤一醺破清寒趁晴  
同過黃花渡

蝶戀花

和彭子  
先韻

滿架冰蕤開遍了試問花神畱得春多少清勝  
荀香嬌韻好謝庭風月應難到 酒釀新醅名  
不老醉倒花前真箇無煩惱滿座清歡供一笑  
春醒拚却明窓曉



點絳脣

過眼溪山向來都是經行處  
鵲人去冷落吹簫侶  
小立江亭愁對蒹葭浦  
無情緒酒杯慵舉  
閑看江楓舞

訴衷情

無端風雨送清秋天氣冷  
颼颼行人先自離索  
直是不禁愁  
思往事憶前遊  
淚難收  
重陽近也  
黃花依舊誰伴清甌

念奴嬌

上巳太守待同  
官曲水園因成

快風收雨正江城初霽物華如許麗日融和春  
思好是處鶯啼燕語嫩綠成陰落紅堆繡只恐  
春將暮園林清晝看看又見飛絮太守無限  
風流鈴齋多暇載酒郊原路幾隊旌旗光閃爍  
鼓吹更翻新譜曲水流觴蘭亭修禊俯仰成今  
古爲君一醉歸時樓上初鼓

冉冉雲

牡丹盛開招同  
官小飲賦此

烘堂詞

十六

汲古閣

雨洗千紅又春晚  
畱牡丹倚闌初綻  
嬌姪姀偏賦精神  
君看算費盡工夫  
點染帶露天香最  
清遠太真妃院妝  
體段拚對花滿把  
流霞頻勸怕逐東  
風零亂

減字木蘭花

詠梅呈  
萬教

冰姿雪艷天賦精神  
偏冷淡惟有清香何遜  
揚州暗斷腸孤芳好處  
消得騷人題妙句  
皴皴寒枝未必生綃  
画得宜

鷓鴣天

題廣文官舍竹  
外梅花呈萬教

閣雨浮雲寒尚輕  
商量雪意未全成  
莫嫌竹外蕭然處  
忽有幽香透鼻清  
詩興逸  
酒魂醒  
主人畱客更多情  
不辭滿引成癡客  
且爲梅花醉一觥

水龍吟

賡韻  
中秋

晚晴一碧天如水  
風約塵埃都掃  
素娥睡起  
玉輪穩駕  
初離海表  
碾破秋雲  
湧成銀闕  
光欺南

斗想廣寒宮裡風流女伴應都把仙歌奏  
夜永風生悄悄耀冰雪寒侵重綺今宵休道從來  
此夕陰多晴少坐久更深露冷襟袖不禁清曉  
更天風吹下桂香拂袂想蟠根老

柳梢青

冬月海棠

笑菊欺梅嫌蜂却蝶壓盡寒芳月下精神醉時  
風韻紅透香腮天工造化難猜甚怪我愁眉  
未開故遣名花凌霜帶露先送春來

少年遊

用周美成韻

繡羅襖子間金絲打扮好容儀  
曉雪明肌秋波入鬢鞋  
小步行遲冠兒時樣都相稱  
花插棟雙枝倩俏精神風流情態  
惟有粉郎知

漢宮春

向暖南枝最是他瀟洒  
先帶春回因何事向歲晚攬占花魁  
天公著意安排巧特地教開知道  
是仙翁誕節瓊英要泛金杯  
人學壽陽粧面

烘堂詞

汲古閣

正梁州初按鞞鼓聲催年年此花開後宴啓蓬  
萊朱顏不老算難教綠野徘徊消息好行看父  
子和羹鼎鼐鹽梅

多麗

壽邵  
郎中

慶佳辰熊羆協夢生申記當年曾遊月殿笑談  
高躍龍津德彌高原流孔孟才迥出黼黻卿雲  
亟步華塗蜚英騰茂姓名端的簡楓宸最好是  
雍容蘭省直道事吾君還知否承明倦直來撫

斯民 算人生五馬最貴朱旛画戟行春訟庭  
清祥風和暢鈴齋靜佳氣氤氲壽宴香濃梅繁  
柳嫩年年今日勸芳尊須信道朱顏不老眉壽  
等松椿從茲去袞衣特立廊廟經綸

滿江紅

賀趙縣丞

媚景良時無非是三春富貴花共柳著工夫染  
嫩紅輕翠日麗風和薰協氣鶯吟燕舞皆歡意  
況生辰恰恰值清明笙歌沸 分天派真龍裔

烘堂詞

汲古閣



到月殿攀仙桂看眉間黃色詔書將至莫向藍  
田分佐理便趨紫禁參朝對閭玉皇仙籙注長  
生三千歲

蝶戀花

和人  
探梅

羅幙護寒遮曉霧愛日烘晴又是廿年華暮瀟  
洒江梅爭欲吐暗香漏泄春來處何日尋芳  
溪畔路挈榼攜筇寫景論心素千里相逢真會  
遇羨君解道江南句

水調歌頭

富貴本何物底用苦趨奔都爲造物娛弄人事  
覆來翻須索高擡目力覷破祇同兒戲不必更  
重論但願吾長健贏得日加飧衣輕裘乘駟  
馬駕高軒算來榮耀終輸漁叟釣江村休歎謀  
身太拙未必折腰便是炙手幾曾溫清議不可  
辱千古要長存

滿江紅

烟堂詩

二十一

源古閣

菴回池亭對十萬盈盈粉面依翠蓋臨風一曲  
霓裳舞徧亭上人如蓬島客坐中別有飛璫伴  
占世間風月最清涼宜開宴 當盛且歌喉轉  
齊祝壽金尊勸算才華合侍玉皇香案處事從  
來堅特操立朝更要持公論使他時臺閣振風  
聲朝天睠

訴衷情

柴扉人寂草生畦  
藤蔓亂縈籬  
秋淨楚天如水

雲葉度牆低 同把盞且伸眉對殘暉紅茱笑  
撚黃菊斜簪戀飲忘歸

浣溪沙

常記京華昔浪遊青羅買笑萬金酬醉中曾此  
當貂裘 自恨山翁今老矣惜花心性謾風流  
清樽獨酌更何愁

清平樂

方池小小風摺玻璃皺數朶荷花開更好把住

薰風一笑 芳容淡注胭脂亭翠蓋相依只  
欠一雙鸂鶒便如画底屏帷

菩薩蠻

用周美成韻

而今怕聽相思曲多情感損眉峰綠惜別上扁  
舟望窮江際樓 蠻牋封了發爲憶人如雪離  
恨寫教看休令盟約寒

盧炳字叔陽自號醜齋多與同官唱和詞  
中喜用僻字如裊潺皴皴褰子之類異花

幽鳥雖屬小品亦自可人共六十餘調長  
于描寫令人生画思昔陳去非見顏持約  
画梅題詩云窓前光景晚清新半幅溪籐  
萬里春從此不貪江路遠勝拚心力喚真  
真又云奪得斜枝不放歸倚窓乘月看熹  
微墨池雪嶺春俱好付與詩人說是非一  
時賞識家謂詩中有画若烘堂可謂詞中  
有画矣古虞毛晉識

烘堂詞

二十一

及古陽

烘堂詞